

Mintga rap dumbra

■ (anr/gv) Ella acziun da Nadal «Mintga rap dumbra» da Radio e Televisiun Svizra cuora *Ruedi Frehmer* da Castrisch dils 17 tochen ils 22 da december mintga di la distanza da 55,55 kilometers. Tschun ga cuora el la distanza da Lucerna anora ed il davos di dalla acziun dal monument da Morgarten a Lucerna. Cul project vul Ruedi Frehner rimnar daners per l'acziun. Quei ei gia gartegiau ad el igl onn vargau stupent ed el ha rimnau 44 000 francs. Culla acziun digl onn vargau ha igl um che viva dapi cuort temps a Baden el cantun Argovia cattau dabia atenziun e la partenza il gliendisdis vargau ei schizun vegnida emessa direct alla televisiun. Igl um da 49 onns ei era in candidat pil tetel dil herox digl onn da Marathon4you.de.

L'acziun cuora aunc tochen ils 15 da schaner 2013. La pagina d'internet www.ruedirent.ch informescha dils detagls. Leu ei era la numera da conto dalla acziun publicada.

Daco buca sescolar en Surselva?

■ Vulas ti vegnir tgirunza/tgirunz ni scolasta/scolast ni vulas ti luvrar el turissem, sin banca ni sin vischnaunca? Lu eis ti tier nus el dretg liug. Biars giavischs da professiun sas ti ademplir tier nus en Surselva. Ins sto nuot'adina ir a Cuera per sescolar e far carriera.

Era tier nus en Surselva dat ei bunas scolas che tschantan fermas fundaments per tia clamada. Nus essan la scola dalla regiun, per la regiun; ina scola familiara e varionta el mintgadi, nua ch'il singul scolar/a stat el center e nua ch'igl accumulament individual vala. Tier nus sas ti acquistar duront tia scolaziun divers certificats nazionals ed internaziunals (SIZ II, Abacus, FCE, Dili), ti sas passer egl'exterior in segiurn per empernder il lungatg e ti bandunas nosa scola cun savida fundada, cun buna experienscha pratica e cuntentientscha. Daco buc entscheiver tia carriera professionala en Surselva?

Center da formaziun Surselva, Scuola media (FMS/HMS) e Scuola professionala da commerc (KBMS, KV, DHF)

LA QUOTIDIANA

Editura: Südostschweiz Presse und Print AG
 Editor: Hanspeter Lebrument
 CEO: Andrea Masüger

Schefredactor: Martin Cabalzar

Redacziun

Agentura da Novitads Rumantscha (ANR):
 Flurin Andry (fa), Gieri Antoni Caviezol (gac),
 Claudia Cadruvi (vi), Martina Fontana (mfo), Hans
 Huonder (hh), Susi Rothmund (sr), Gion Nutegn
 Stgier (gns), Giuseppe Venzin (gv).

Collavuratur redacziunals:

Andreas Cadonau (ac), Giuseppe Capaul (gc),
 Lucas Deplazes (ld).

Adressas redacziunals:

La Quotidiana, Via commerciale 22, 7007 Cuira,
 tel. 081 920 07 10, fax 081 920 07 15,
 mail: redaktion-lq@suedostschweiz.ch

Agentura da Novitads Rumantscha (ANR)

Via da Masans 2, 7000 Cuera,
 tel. 081 250 48 00, fax 081 250 48 03,
 mail: anr@spin.ch

Surselva: tel. 081 936 47 00, fax 081 936 47 01,
 mail: surselva@anr.ch

Engiadina: tel. 079 218 27 60, fax 081 856 11 59,
 mail: engiadina@anr.ch

Surmeir: tel. 079 430 69 30, fax 081 684 32 82,
 mail: surmeir@anr.ch

Sutselva: tel. 081 258 32 68,
 mail: sutselva@bluewin.ch

Tgòls postal, 7432 Zirán

Editura Südostschweiz Presse und Print AG,

Via da la caserna 1, 7007 Cuira,
 tel. 081 255 50 50, fax 081 255 51 10
 mail: mholdener@suedostschweiz.ch

Servetsch d'abunents e da distribuziun:

tel. 0844 226 226, mail: abo@suedostschweiz.ch

Inserats

Südostschweiz Publicitas AG,
 Via S. Clau Sura 11, 7130 Glion
 tel. 081 920 07 17, fax 081 920 07 18,
 mail: ilanz@so-publicitas.ch

La Quotidiana cumpara tschintg giadas ad emna
 Ediziun: «Die Südostschweiz»: 121 184 exemplars.
 Dumber da lecturs: 240 000

Comunicaziun da participaziun considerabla
 sin fundament da art. 322 CP:
 Südostschweiz Radio AG, Südostschweiz TV AG,
 Südostschweiz Emotion AG, Südostschweiz
 Pressevertrieb AG, Südostschweiz Partner AG,
 ergo use swiss ag.

Dil Moulin Rouge a Mustér

Gronda sera da divertiment cun Francine Jordi, Nina Burri ed Acavoce


■ (anr/hh) Per la fin digl onn vegn purschiu el Center da sport e cultura Mustér in arranschament da divertiment tut special. Dalla partida ein buca mo Francine Jordi ed Acavoce cun lur bellezza vuschs, mobein era l'enconuschenta contorsionista Nina Burri. Per propi eis ella vegnida enconuschenta en Svizra ell'emissiun da televisiun «Ils pli gronds talents svizzers» la primavera 2011. En quella ha Nina Burri fatg furore cun sia acrobatica e perschuaudi giuria e publicum. Ella ha contonschiu il final ed ei daven-tada secunda en quel, pauc suenter la victura *Maja Wirz*. Nina Burri ei enconuschenta sin plaun internaziunale per sia lingieradad, mo era per sias coreografias extraordinarias.

Art fascinont

Cun sis onns ei Nina Burri stada l'emprema ga sin tribuna, numnadamein en in musical. Silsuenter eis ella seluvrada siadora successivamein ed ha dau pli e pli peisa alla contorsion, ina fuorma d'acrobatica nua che l'artista volva e storscha siu tgiert en ina fuorma extrema e per in carstgaun buca trenau struschamein imaginabel. Il trenament necessari per contonscher quei standard ei enorms e cumbinaus cun lavur sur biars onns. Contorsionists han da natira anora in tgiert fetg movibel e san cheutras s'entusiasmar per quels exerchezis. Nina Burri ei oz da casa sin tuttas tribunas internaziunales. Suen-ter siu grond success en Svizra avon rodund dus onns eis ella era stada engaschada egl'enconuscent Moulin Rouge a Paris. Nina Burri vegn a procurar a Mustér per ina grondiusa atmo-sfera.

Acavoce e Francine Jordi

Da veser ei alla sera da divertiment per la fin digl onn a Mustér era la gruppa da



Nina Burri seprenta la fin da december el Center da sport e cultura Mustér.

MAD

cant Acavoce. Ella ei vegnida fundada avon rodund 14 onns e dapi 2011 conta ella ella formaziun actuala. La gruppa consista da *Gaby Degonda*, *Agnes Niedermann*, *André Niedermann*, *Flavian Gieriet*, *Adriano Kollegger* und *Maurus Kressig*. Acavoce interpretescha canzuns da differenta direzziun en romontsch, tudestg, talian, engles, spagnol, franzos, african e russ. La gruppa Acavoce ei stada d'udir il davos temps a differents con-

certs, mo era a plirs emetturs da radio. La secunda part dalla sera da divertiment s'auda a *Francine Jordi*. Cun siu surrir amicabile ha ella fascinau ils davos onns l'entira Europa e dau novs accents alla musica populara. Francine Jordi ha gudignau igl onn 1998 il Grond premi dalla musica populara ed ei separticipada quater onns pli tard al Songcontest. Ella ei enconuschenta per sias bellezza interpretaziuns ed albums sco era per turneas

vendas ora en tuttas tiaras tudestgas dall'Europa. Cun siu scharm e sia simpatia sa ella tschaffar in e scadin auditor. Ei fa buca surstar ch'ella ha gia gudignau tschun gadas il «Prix Walo», la pli impurtanta distincziun svizra per artistas ed artists.

Bigliets per la sera da divertiment san vegnir retratgs tier Sedrun Mustér Turissem ni als posts da fatschenta dalla UBS a Mustér, Glion, Fiem e Cuera.

La Compagnia Rossini – in fenomen musical

■ (cp) Igl'enconuscent criticher da musica dalla «New York Times» Harold C. Schonberg citescha en siu cudisch «The Lives of the Great Composers» Ludwig van Beethoven cun ils plaids «Nulla dies sine linea». Legend la brochura «Novitads nr. 13/2012» da «La Compagnia Rossini» sun jeu seregurdaus da quei citat ed en vesta alla prestaziun gigantica dils Rossinis s'impona spontaneamein a mi il citat «Nulla dies sine musica».


La brochura «Novitads» relata numnadamein d'in admirabel engaschi sil sector dalla musica: Concerts ella regiun, concerts el cantun, concerts ordeifer la scheina cantunala e naziunala. Ed il capo *Armin Caduff* diregia e sper il management dils concerts ch'el absolva cun sia consorta *Lisabet* arranscha el accessoricamein composiziuns enconuschentas da Donizetti, Schubert, Chopin ed auters classichers. Jeu seregordel aunc fetg bein d'in arranschament d'in elegant e melodius valser per clavazin da Brahms che la Compagnia ha dau per plascher digl auditori; igl auditori che frequenta adina puspei en roschas las producziuns dalla «Compagnia Rossini». Aschia era el KKL (Kongress- & Konzertzentrum Luzern). Jeu haiel engartau avon entgin temps cun letg in plaz sin l'empora sisum dil KKL. Sper mei sesevan duas dunnas simpaticas. Igl ei sedau in discuors spontan ed jeu hai dumandau ellas: «Danunder vegnris vus?» «Nus vegnin da Basilea.» «Daco fageis vus in viadi aschi liung per tedlar ils Rossinis?» La risposta: «Nus havein udiu dils Rossinis da nos enconuschents ed havein cumprau discs dils Rossinis. Quella musica ha fascinau nus. Perquei havein nus fatg il viadi da Basilea a Lu-

cerna per assister a lur concert e veser quella simpatica cumpignia.» Ed ei para veramein: Ils Rossinis sedistinguan buca mo tras lur musica: lur amicabile, lur empatia, lur contact culs auditor e simpatisants ein ulteriurs elements che augmentan lur attractivada e popularitad. In ulteriur factur vegn vitier: Els cumbinan schizun la musica classica cun il sport, cun il golf ed entusiasmeschan aschia in niev auditori.

Ella prefaziun dalla brochura «Novitads» fa Armin Caduff interessantas ponderaziuns. El sereferescha al citat da Giuseppe Verdi «Ogni musica sotto il suo cielo». Cumposiziuns, canzuns, insomma ovras musicalas vegnan adina influenzadas digl ambient. El sid anflan ins autras composiziuns ch'el freid clima dil nord. Igl ei enconuscent che Armin Caduff ei in fervent amator dallas operas talianas. Ed en tiara romon-

tscha? Posiziunai denter il sid e nord havein nus noss'atgna mentalitad e schientscha musicala. Fer-ton che las operas el sid ed el nord van in tschuppel tschantaners anavos, registrescha nosa tiara romontscha sia emprema opera per ils anno 1986. Igl ei l'opera «Il Cerchel magic» da Gion Antoni Derungs p.m. La musica romontscha sedistingua denton tras la bellezza da sia canzun populara. E quella canzun popularas fuorman tenor Armin Caduff ina part integrala da siu repertori. «La Compagnia Rossini» ei aschia medemamein in simpatic ambassadur dalla Romontschia. La Compagnia che cumpeglia per gronda part excellent(a)s solist(a)s e cantadur(a)s romontsch(a)s ei in solid garant per la cuntinuaziun dil success musical e per la preschientscha romontscha sil palancau naziunale ed internaziunale.

La brochura menziuna era la carriera musicala dil fegl *Flurin* che conta ella Compagnia ed ei supplementarmein engaschus el «Luzerner Theater». Siu engaschi sco solist ed actor anfla renconuschientscha. Aschia rapporta «Der Sonntag» nr. 34, 28-8-2011 davart il «Swing Army Concert Band & Strings» menziunond che Flurin hagi cantau «hochkonzentriert und mit grossartiger Stimme». Ina semeglionta qualificaziun attribuescha era la «NZZ» dils 11-1-2011 a Flurin a caschun dalla cumedia «Il trionfo dell'onore» d'Alessandro Scarlatti, dada el «Luzerner Theater». A nos lecturs eis el enconuschents sco cantadur e giugadur ell'opera «Il Cerchel magic» da Gion Antoni Derungs, dada a Trun ils 4 da november 2012 sut la direzziun suverana da *Clau Scherrer*.



Il frontispezi dalla brochura «Novitads».

MAD